

四庫全書

集部

欽定四庫全書

御製詩三集卷五十八

古今體一百三十五首

丙戌六

寢殿粘壁歷年所作望雨盼晴之詩不一而足即

目興懷輒成口號

壁多望雨愁晴什復有憂霖盼霽詩似此心期渾不定  
要因祈歲協維時

晴望樓

登樓必有望要在合其宜雨澤初霑後晴光欲散時山  
容翠螺染水態碧漪披設若蘇髯腹知無拾級期

益思堂

架插芸編供繹抽每於開卷沃優游繫予別有會心處  
却為名言緬武侯

暎清齋

宛轉迴廊圓中規紗䟽面面俯臨池春風淡蕩吹瀾候  
秋月高寒入影時澄際堪因悟心性照來恰復見鬚眉

如斯無盡藏

去聲

佳處久坐何曾刻漏移

### 豁如室

山抱林環處精廬曰豁如通幽神與遇生白室之虛無  
到不延趣有閒還讀書於斯合藏密繫傳豈欺予

### 昭曠亭

四柱虛亭不設櫺天容寥廓水清泠適然俯仰得佳會  
迴絕尋常色與形

### 得趣書屋

小小三間屋低低四尺牆  
几窓無俗韻風月有清償  
底事消閒暇箇中貯縹緲  
問予得趣處景仰在虞唐

賦得御蘭芬

卉裏全脫俗花中自有真  
底須滋九畹信可占三春  
白石清泉側蒼松翠竹倫  
入窓惟馥郁猗檻別精神  
佩擬紉騷客居如近善人  
蘇家亭一例楚頌義堪循

朱碧山銀槎歌

夔尊長歌詠雙鰈

朱夔尊銀槎歌中有可憐雙鰈  
今成鰈之句蓋亦知本有二也  
一成

壬寅一乙酉鑿落銀器誰所為乃出朱氏碧山手酉者

展轉入孫家

承澤

寅者宋氏

琬

所珍守一時豪客醉流霞

快寫牢騷鬪吟口率徵故事稱張騫漢書不識曾讀否

彘尊及宋琬施閏章輩賦此題皆以張騫當之夫漢書  
張騫傳有騫窮河源事不言其浮槎天漢也惟博物志  
載海渚人見有浮槎去來不失期乘之至一處見織婦  
及牽牛人還問嚴君平對以某月日有客星入牽牛諸  
人蓋沿荆楚歲時記之說  
而於漢書未加深考耳  
漁洋居易辨頗精先得我心

是此叟

既考漢書辨乘槎非張騫事復閏王士正居易錄亦以張騫之說為非而深悔其詩窮源過大

夏云云數典未當且援拾遺記貫月槎事以証之辨訂頗為精覈

有棹之槎格實奇乃

自孫藏非宋有雕鏤絕藝不重儔諸人麗句早精剖偶  
因博古一致評置之弗用戒旨酒

通日

通日密雲每不雨禾黍蔚田麥登圃情知不雨暫無妨

況是農謠有恒語

農謠有有錢難買五月旱之語  
蓋以收麥時防霖漬回青也

設雨

即晴實何礙湔滌炎燬亦賴許疏厨廣厦固清涼低屋  
窮簷信難處晚來霪霽與西山優霈時霖復延佇

錦雲騅歎

良馬有良德不在驍騰在持重如其兩者能兼全是則

神驥之接踵錦雲騅斯實有焉惜哉齒長

平聲

骨已聳

馬老

而瘦則骨聳

五臺跋雪山餘騎蹢躅穩弗動懷柔行潦途滑

刺中如步平壘邇年養老育內廐飼秣仍教慎宮稷時

命牽來一撫視四蹄木強

去聲

嗟癘腫昂首長鳴意若云

心有餘而身難勇久經致力應致憐詎謂天閑今乏大

宛種

詠藏紙扇



唐代經背紙梵文隱現中恰成團扇月雅似颺

去聲

宗風

擬欲民解愠翻思道不同班姬何用歎未識色如空

雨

五月廿九日

昨晚族雲布邪邪拖來陣雨落隨止半夜未零已絕望

四更密霏垂颿纒平明起看勢又間

去聲

辰牌旋復勢絲

委歷午達未疾還徐掘土霑過三寸矣麥已登塲無慮

漬禾乘新秧如助起斟酌農功實慰我惜欠優增在河

水

討源書屋對雨

夜雨優霑曉尚繁  
問

安退復此憑楹  
年來愁喜壁詩託惟是協時陰與晴

剛收疾點復徐絲  
涼拂符簷夏曉宜為問前朝炎燠况  
被誰驅逐去如遺

傳餐以罷咨朝政  
批答封題不厭詳  
閣部諸臣恒宴見  
今朝都覺喜逾常

麥收禾乘潤新膏  
水足稻塍免桔槔  
京兆無須頻報喜

益深勤敬

帝恩叨

昆明湖上作

細雨復少止明湖以暇遊  
密雲仍戀嶺漲水覺浮舟又  
已廿朝閑稍紓方寸憂  
稻塍芄綠潤壘趾可無愁

水誌

水誌消將一尺二原因蓄水  
灌菑畝雖然舊度卒難復  
三寸欣看漲雨餘

石舫

石舫分明舫多成繫舫時恒看依岸住却謝濟川資水  
落曾無礙漲增亦若斯相羸剝木者浮沈去聲藉他為

聽鸛館

幾層背樹疊濃青千頃前湖光入樞搏棄聲中夏過半  
今朝暇始一來聽

雲松巢

雨足雲易生雲間松越翠氣韻本相合蔥蒨帶流麗幽

居得稱巢宜居尚仲輩而我豈宜哉偶此崇情寄

清可軒

山陰或不來來必憩斯軒四季皆致佳九夏尤宜盤入  
戶心目爽據牀衣袂寒峭石為牆壁青青滋蘭蓀鍾氣  
早猶潤况甫雨傾盆泐崖多擘窠箇箇垂珠痕

睇佳榭

敞軒因迴足遊目下視方方生意皆蔚綠稻塍不愁水  
憑欄今日始知佳

夜雨

六月  
朔日

作息一朝間

去聲

霈霧中夜臨直傾三峽水不止七絃琴

暗響亂蕉葉微涼罷葛衾昆明定增漲依舊似前深

盆荷

遇水因之得地生盆中何不可敷榮漫誇十里香銀浦

真是三珠燦玉京雲鷺乍過

平聲

疑未下池魚欲闖笑難

成無須太華相衡較寸木岑樓有底誠

鉗魚

琉璃餅子貯魚兒廟市尋常銜鷺之游泳依然在荇藻  
唼喁且得飽饕餮空明內外渾無閱網罟搜求底用疑  
欲笑橘中兩老者可曾澄朗樂如斯

董其昌喬木重陰即用其韻

雨過樹垂珠古屋滴簷溜堯峰欲出頭膩雲與之鬪

解慍書屋作歌

古稱大禹下車泣所為

去聲

民心不若堯舜時是則重華

歌解慍亦將因擊壤之民稍異順帝之則不識而不知

三帝之德詎相遠曾未百年世風日下已如斯逮今三  
千餘年俗更降去聲而且九州之外戶益滋於斯時也乃  
欲一夫一婦皆得其所無愠色是猶求雪於夏其必無  
也夫何疑是以吾居解慍書屋惟是慍焉增慍怩

御湖雨泛

雲纔一片起天邊雷響霖飛到眼前是岸是山都落瀑  
笑何能寫米家顛

驟霆徐霏搖覺宜鳴榔翦翦度煙絲本來慣見林泉景



幕以空濛態越奇

晚晴

疎密雨既足晚來虹見東雖無懼霖意實有喜晴衆似此太如願惟應益省躬蟬聲出高樹流響藉西風

和闐玉韞口號

較藝西門發羽甘鵠穿十九昔成詩却從臂病艱命中惜爾未逢善射時

詠官窰兩耳壺

底論越州及汝州樸無矩度有神道恰同高士倪迂畫  
不以工求以韻求

敝姬茄袋品原崇古式渾疑商鑄銅近代宣成非不美  
惜如文體遞精工

夜雨

六月初  
二日

六月時行雨中宵枕上閒晝晴暄實被夜霏潤猶欣無  
刻不農廬有閒亦詠勤雲霄已住點蕉葉滴還紛

季夏玉泉山

憶昨曾因請雨來，忽忽致禱便言迴。有祈必報斯霑矣，  
仲去季臨何速哉。翠樹千林依巖鎖，但雲幾縷傍晨開。  
心閒乃識遊成趣，好趁山坳復水隈。

分鑑曲

山陰有佳處，一水鑑分諸。去歲景如在，今年到乃初光。  
明心境澈，上下色空虛。撲鼻清香遞，方知綻露蘂。

創得齋

曉涼邂逅坐池齋，樹已捎簷蕪上階。今歲初來即創得，

却思為爾底稱佳

乘涼登玉峯

乘涼登玉峯仄徑盤旋上浮雲幻陰晴有風即颯爽墻  
外憩羽林翹首天半仰彼亦一逸瞻此亦一遐想都因  
暘雨時欽哉

吳恩廣

麗矚軒

峯頂有䟽軒每來必成憩為令肩輿者炎天息勞弊高

處見彌遠蔚綠萬頃蔽顯祝設時若又可綏豐繼麗矚  
乃在茲詎云山水意

卷畫窓

俯暢欣茲片刻閒高家煙樹米家山一時數典飛遐想  
却在霞標精舍間

避暑山莊北峯下有書齋名霞標  
其旁為卷畫窓此室即仿彼命名

練影堂

盤下竄高峯西峪更佳致有山復有湖湖承瀑所墜瀑  
下置書堂練影窓間泌直垂一匹白分擘兩崖翠徒觀

流之淙因憶源之自騎墻十里來香山碧雲寺

玉泉本  
自山下

出欲益其流因引香山碧雲寺諸泉層遞至平地築墻  
甃小渠其脊導注園中垂為飛瀑下匯成湖與玉泉合

流入昆  
明湖

### 倚晴樓口號

雨既優霑遂望晴何曾有定乃人情雖然觀過知仁可

為

去聲

是晚田亟待耕

### 靜怡書屋

夏深山致靜雨足物含怡而我亦如是今朝始遇之桃

笙耶復坐芸簡得閒披湯擬羲皇上方將切近思

虛受堂

本來山澤損取象澤山咸室欲允宜去受人惟在誠集  
思合衆志克己畏

天監設問虛堂趣納來亦不凡

題方琮山水八幀

桃源延客

漁父沿溪忽建津洞中天地別逢春却緣欲訊外間世

畢集東鄰西舍人

江帆綠漲

春江新漲綠漣漪  
剛是鱗魚上水時  
網集漁人施澁澁  
客帆正待鱸銀絲

雲山過雨

溪口疑聞響瀑泉  
雲山過雨尚含煙  
村鄰見處辨家法  
大米應非小米然

松泉清聽



林嵐宵映樂飢膝松韻泉聲靜者朋欲擬高人傳去聲還  
問明姿韜伏是誰曾

溪館生涼

閒館臨溪復倚山葛衫涼拂覺初閑一天秋意憑誰報  
祇在梧桐樹影間

繡巖錦樹

巖為疊繡樹為錦機杼問誰能爾工草閣伊人凝思者  
依稀疑是杜陵翁

歲寒吟興

有松有竹有莓苔  
獨坐高人無客陪  
拂紙拈毫猶懶下  
吟情應是待梅開

扁舟釣雪

煙溪雖冷波猶活  
蓑笠竿絲雪滿艘  
不寫釣魚寫釣意

知他津逮自吳江

方琮山水  
學張宗蒼

西直門外作

還宮茲為

去聲

視朝儀露埒輕輿  
晨爽披村景今番  
更殊

睽圃場收麥慶如茨

曉雲欲捲白榆街  
夜雨朝晴實愜懷  
一陣涼風送絲點  
雖無妨覺霽為佳

養心殿晚霽對景成詠

日落西北天雲收  
東南宇朶殿了不炎  
與風拂簷廡黃  
山松森森建州蘭  
楚楚古植與清芬  
相投本水乳心為  
時暘欣可以理吟緒

太和殿視朝

五更微雨雞鳴止衮衮千官肅侍儀金鼎煙中三殿曙

林鍾律裏八音披

中和韶樂六月律應林鍾

陞選畢謝華朝彥職貢

例瞻引海夷

時暹羅國貢使在京例於御殿日引行禮

歲事更衣向西苑出

城欲趁曉涼宜

### 高梁橋放舟至樂善園

雲輕風細進舟宜廿里長河小泛之兩度沼園曾未入  
迹間一涉可仍遲

喬木重陰夏欲無苔蹊曲仄引清紆不知何故衣衫濕

昂首擬掇滴露珠

迤邐山邊復水邊  
露荷香氣颺朝煙  
亭臺詎比御園好  
稀見為佳自昔然

蘊真堂

有園可聽去聲廣  
稍葺或猶宜  
寂喜書堂樸近臨  
池水湄

綵毫即景點芸簡  
以閒披一歲纔一  
至咄哉奚爾為

含清齋

隔溪齋五架  
索便渡舟臨  
荷芰鼻官淨  
松塋心境深  
春

芳暗裏歌夏趣靜中尋歲月壁間識又成一度吟

泛月

新月濶於鈎泛舟已可載西舂燦晚霞乘涼意並在霞  
散略蒼然清光故堪愛笙歌翻覺鬧吟詠斯不廢流陰  
閱一年澄瀛依舊對

西北風

昨朝徹夜晴密雲忽生曉礎潤有明徵棼絲卒未了情  
知雨不妨究覺晴為好午轉西北風霽放晶陽皓時若

祝從茲庶可期萬寶顧苗莫知碩慮事每於早

溪亭對雨

雲容過午又添濃雨脚旋教落下春似為

去聲

溪亭涼頓

遽珠簾四面下重重

渺茫忽失遠山青五合臨書悅性靈避雨白鷺來近岸  
無端漫擬換黃庭

作勢斜飛復倒傾遙知水誌足昆明斯時晴可雨亦可  
言願吾將意在晴

恭奉

皇太后觀荷作

昨朝夙奏迓

慈航晚雨中宵月放光因識

壽康福無量得申

孝養喜非常蟬聲響答笙簧韻樹影低籠荷芰香葉葉  
花花盡仙品擎來仙露奉

茶嘗



山東鉅野縣民姚宏毅年一百一歲妻年一百歲  
齊眉難老人瑞所希因成是詠賜之

容臺百歲本觀恒百歲齊眉得幾曾祇昨廣南傳僅見

乾隆辛巳廣州民楊能  
啓曾報夫婦偕百歲

即今齊左報同稱一時上瑞蘿

圖展雙老相莊鴻案凭壽德醇風耀閭里褒恩駢疊允  
宜膺

池上居

雨足晴尤好邇來心始舒炎蒸亦何礙池上此相於淨

喜水呈照清延風入虛却思畎畝際助長正茫如

清曠樓詠竹

猗猗種竹滿前庭清矣其間曠意形秋月入時留碎白

春風拂處動浮青俯臨常似披圖畫得契宛堪悅性靈

雖是齊簷卒艱致

北方竹無高至二丈者不能與樓簷齊也

愛他仙籟颯宜

聽

再題解愠書屋

每對南風緬舜皇撫絃摠庠牧民方兩言詎是獨稱一

傳語深思第十章

澄景堂

四時景有嬾八牖納無央詎在煙花賞惟饒翰墨香入  
微得理趣澄盡識真常逐處尋題詠緣因取義長

華照樓

雙桐院裏兩層樓一片湖漪半座收流麗雲霞常映帶  
徘徊風月足勾留無華了識不由素有照偏欣都入幽  
設問通來即景句披宜澄朗霽光浮

陶嘉書屋

戶外恒延景  
胷中常養春  
陶鎔仰化育  
攄寫亦清新  
涉港思觀海  
祛滌欲返淳  
靜觀還有契  
物物趣天真

青雲片歌

萬鍾大石青  
芝岫欲致勺  
園力未就已  
達廣陽却弗前

土牆繚之葭  
屋覆

見米萬鍾大石記語

適百里半九  
十里不然奇

物靳怪倖向  
曾舉運萬壽  
山別遺一峯  
此其副雲龍  
氣求經所云  
可使一卷獨  
孤留伯氏吹  
埤仲氏篳彼  
以雄

稱此通透移來更覺易於前一例為屏列園圖泐題三字青雲片無作長歌識所由叶有時為根發黳生有時為峯芳潤漱虛處入風籟吹聲竅中過雨瀑垂溜大青小青近相望突兀瓊瓏欣邂逅造物何處不鍾靈豈必莫釐乃稱秀事半功倍萃佳賞宣和之綱誠大謬

夜雨

六月十七日

連旬已是慶宜暘近昨微嫌炎異常過午纔看雲黳黷入宵遂聽雨霽霽明知滌却十分暑早覺添來一陣涼

物候農功都愜願攬衾惕慰並無違

溪亭對雨

夜雨已優霑曉來雲作勢一陣東北風復送禁絲至綠  
是時行候况值久晴際稻田待漸潤未慮為霖滯坐我  
溪亭上竭攬煙雨意溟濛接水天山樹藏青翠幽賞良  
已酬仍望明當霽所以切切者無非為去聲農計

晴

善晴無烈日

農家以雨後無暴風  
雲漸開霽為善晴

過雨有涼風農兆吉

誠異吾懷喜與同荷珠翻葉上蟬筑賽林中豈不泰然  
念而仍惕若躬

題楊大章花卉二十四種

蘭

空谷無人也自開幽香竟體淨纖埃底知管領春芳合  
題品曾經楚客來

玉蘭

鏤玉為花香是蘭庭階雅合幾株攢問誰識得箇中趣

幼度曾聞答謝安

梨

作態娟垂復嬾斜不勝風力那成霞  
司空四字真饒韻  
一樹瀛洲玉雨花

桃

紅葩綠葉襯偎勻一度天天一度春  
不著落英貼水面  
那妨引得武陵人

綬帶



慣解園中早報春  
裳裳山脚復溪濱  
憐他逞盡風流意  
誰是蕭朱結綬人

鸞枝

葉態花姿儘娜姍  
翦成紅玉簇成團  
文簫未至西山下  
何事居然降綵鸞

紫藤

嬛嬛蘓葉引梢柔  
舞格如垂紫袖脩  
別裁去聲畫師應有  
意知非攀架附枝流

紫荊

碎英累累簇週身色與閒庭判斷春却合葩經注常棣

為

去聲

曹京兆悟田真

金銀花

鷺鷥藤吐嫩花新黃似兼金白似銀名色故應俗人慕

通靈誰識上仙珎

木香花

素雲壓架弄芳蕤滿院清香四月時悟得不如野梅者

惜無傲雪老腰支

紫蘭

花朵如蘭紫色鮮有人或謂比蘭妍設從九畹相衡校  
祇恐三閭未肯然

玊珠繡毬

玊珠一斛簇成體擬作繡毬真不差設使女夷間戲鞠  
定知供奉合斯花

金絲桃

爛爛盈盈敷蕊瓣似桃丰度後桃開如從花朶詢枝葉  
幾許黃金買得來

石榴

縹紫萋萋扶絳華南薰照眼受風斜月明庭院開生面  
碧水光天夜有霞

梔子

六出瓊葩蕊是金清芬真勝麝檀沈相宜底識稱禪客  
分種原從薝蔔林

翠梅

五出藍花五月開  
安名誰與竊芳梅  
從知太白詩非誤  
真有江城落瓣來

夾竹桃

葉為葦竹藹為桃  
聞說溫台品最高  
幾度花開復花謝  
秋風即漸捲麟毫

山丹

柿紅艷色纈枝端  
瑪瑙杯擎玉露漙  
欲向芳叢還致問

山人心性為

去聲

誰丹

珍珠蘭

垂垂黃穗擬珠玕  
薰茗烹湯香滿脣  
花譜却稱色正紫  
從知記載信誰真

石竹

細草纖花亦自芳  
名依淇澳泣非湘  
此君定是不相拒  
語有之云善善長

鳳仙

揚毳窠合臨秋曉弄影偏宜對月明一種閒庭風露下  
騎來定是董雙成

牽牛

花紫盈盈不自持引條著處託芳鞋月明籬落還多趣  
滿奮偏能識喘時

翠雀

野雀其形翼尾翹為翔為翥任風飄本來自是無情物  
底事相爭目擘樹

桂

以粟為花色正黃自應品格壓羣芳  
非關位置偏居末殿後緣留滿幘香

季夏討源書屋

每因問

安退書屋得周旋治平聲政虞踈忽批章審正偏雨暘通

日若豐稔祝秋連麀鹿豈靈囿引麇到砌前

昆明湖泛舟觀荷三首



晝長頗覺有餘暇雨後明湖一泛舟底更去聲機絲煩織  
女鋪來霞錦蔽波稠

一隄湖水隔東西兩界荷花開總齊欲擬形容艱得句  
紅瑪瑙照綠玻璃

傾擎灩露颺微風正朶斜葩態各工香色已臻十分淨  
還教浣濯鏡光中

賦得涉江采芙蓉再疊舊作韻

荷浦鳴榔渡重教賡涉江風香徐布帆霞艷護棠艤品

自高低別影成上下雙降真仙子髻離垢梵王幢露滿  
銅人掌曦暎玉女窓天花方可匹俗卉早應降淨入瑤  
琴韻催嗤羯鼓腔輕寒將細擷舟載簇撐撥

藻鑑堂

舟泊水之涯嶼堂小憩遲風清夏却暑名願義頻思淨  
几一時凭去聲虛窓四面披滿湖君子卉藻鑑實云宜

戲題春風啜茗臺

四顧芳荷面面開平陵山頂起樓臺分明啜茗春風趣

笑我春徂伏始來

睇佳榭觀荷之作

藕花香裏漾舟來  
山榭登臨萬錦開  
底事低徊看不足  
吾因絜矩愛賢材

暢觀堂

快雨兼之湊快晴  
山堂觀攬暢懷生  
如斯顯翼一月若  
又得屢綏萬寶成  
東沼翻光漾簷額  
西峯倒影入簾旌  
促吟七字鳴歸棹  
悅豫中常戒滿盈

治鏡閣

畫閣沼中央  
乘閒一泛航  
地高無暑氣  
雨後有風涼  
祇益卑宮愧  
載思猶水方  
顧名籌治理  
鏡戒古來詳

荇橋

幾里明湖遙不遙  
藕花香裏盪蘭橈  
霞天忽失呈平鏡  
始悟舟行過荇橋

石舫

六棹輕舟漾不遲  
歸言登陸已云宜  
肩輿早候蘭塘畔

石舫常成繫舫時

構虛軒

山陰路必紆緩步肩輿就別麓上有軒擬議鄰虛構際  
此暇且爽其妙索一究雲窓向西開近遠揖巒岫翠色  
難為名芳潤如可漱元亮有佳句吾當事三復

靜佳齋

咫尺軒齋別安名各取宜既明看似畫則不可無詩惟  
靜恰謀目忘言祇契思識佳在何處原在雨暘時

借秋樓口號

風來西北動梧楸  
素景澄鮮颿滿眸  
了識立秋尚遲日  
仰看知是借秋樓

即景

風涼來北戶  
日影上南榮  
物色霽光繪人心  
秋意迎芳荷  
引魚躍高樹  
亮蟬聲前日炎  
蒸畏今朝秦越情

題和闐玉屏方朔授露圖

吉雲踏步如平地  
寶露攜來味尚鮮  
帝賜得嘗老還少

緣何曼倩乃瞤然

題方琮山水二幅

溪閣已欣全却暑更看覆以綠陰稠  
舉頭飛瀑雲間迴落澗原從足底流

右夏樹重陰

一夜清霜入萬林怪他騁望失青岑  
幽人却有便宜處爛爛星星照倚吟

右秋林萬紫

驟雨二首

六月廿七日

渥雨將逮旬怒長蔚乘禾快晴正宜晷佇待萬寶歌明  
知弗雨可而我慮每過時行或少靳恐防秋霖多年熱  
今日劇東南族雲拖瞬息落巨點盆傾遂滂沱水軒頓  
生涼炎蒸滌無何池荷及岸柳上下接白波誰能知其  
數惟摩醯首羅

望雨而即雨盼晴而即晴晴雨太如願益因傲暢生不  
惟京畿然奏書各省呈甘肅旱數縣湖南潦數城江浙



微嫌過

平聲

然資種稻秔其餘慶時若率可望西成幸此

何脩遇罩謙戒滿盈

夜雨口號

昨晚驅炎驟雨蒲雲徂入夕露星天誰知半夜醒清夢  
快聽簷泉落戛然

雨中泛舟

曉雨勢將歇密雲重送來已欣晚田潤聊聽去聲暇舟開  
坐對益焚若還思適可哉無時忘去聲農務詎為去聲暢吟

裁

喜晴

剛成喜雨作遂有喜晴詩太甚求佳矣即予覺厭之夕  
陽大開霽水閣小樓遲魚躍蟬聲亮同人一暢思

時賞齋作歌

一年惟四時時各九十日一日十二時晝夜分半疾丁  
丁蓮漏無停聲積日為月積月年又成及時行樂有其  
語設如其語斯非所無逸而凜旦明暘時暘子雨時雨

始得紆煩憂子愜懷緒時賞之意實在茲詎曰珍禽奇  
卉羅庭宇

再題清暉閣四景

松雲樓

老樹新樓一合相間

去聲間平聲

每得見西山却欣雲捲松

青蔚即景拈毫那可刪

露香齋

過雨晴明露氣穠收來不用結絲囊竹鑪瓷椀原清泌

煮茗偏欣分外香

涵德書屋

進德之方譬若何源泉有若蓄盈科設如欲速與中止  
達海無期愧益多

茹古堂

假山之上有書堂芸簡常霏四座香茹古豈緣誇博雅  
由來治亂此中詳

隨安堂

此子昔日書室名也於凡精舍率以題額亦不忘  
舊之意云爾

書室額隨安毋忘養德端昔誠容膝易今覺作君難尺  
宅寰區蘊萬年磐石完求斯不遑暇逐景那尋歡

題霄華樓

一年不數登登在快晴憑夏霽今朝又雲華空宇仍就  
閒方遞信罷溽恰相應綠蔚乘田茂即看銅雀徵

御製詩三集卷五十八

欽定四庫全書

集部

御製詩三集卷

五十九  
六十

詳校官侍郎臣謝墉

助教臣常循覆勘

總校官原任中允臣王燕緒

校對官庶吉士臣張九鐔

謄錄監生臣徐錫福

欽定四庫全書

御製詩三集卷五十九

古今體一百三十三首

丙戌七

七月朔日作

孟朔宜晴朗披襟爽氣浮明朝候應入今日信先投竹  
葉響輕遞荷花香欲流西風捲雲淨慶慰兆佳秋

立秋

七月初二日

嬪代無停運金秋律又臨西成知漸近火帝去侵尋樹

影長於昨花光減自今晚來微雨歇農政愜懷深

農政全書

有立秋日小雨吉之占

### 新秋玉泉山

亦閱農功亦便遊夾途柔荳綠如油  
昨朝已自知辭夏今景居然是入秋  
松益涼間風益舞花從香處露珠流  
須教趁爽登層巘暢好晴光得騁眸

### 心遠閣

林下來清風徐徐陟蘭巘岬嵒雖不高  
出樹有巖館適



入羅漢洞毛髮生寒滿左側敞閣樓可以暫延緩久矣  
吾別斯舊作徒盈眼由今視如昨剎那言非誕幾旬蔚  
綠雲吾心與之遠

靜室口號

一歲之間偶一來一來亦未久徘徊顧名設問靜中趣  
明月清風常與陪

妙香室

蓮宮精舍倚山腰一俯雲窓塵念消自有巖花霏淨馥

沈檀火氣那須燒

鶴安齋

借問鶴安處山中真是宜  
彈聲風為

去聲

送刷羽月來披

鳥雀寧須拒雲霞常與隨  
精藍無白足漫擬上人支

叢雲室

山巔靜室緜叢雲攬結超超迴  
出羣今日秋雲無一點  
對時真得意中欣

靜緣書屋小憩得句

峯頂暢四臨吟興留餘可延緣降西岳野芳紅碎瑣迴  
瞻舍利塔雲表矗巍我興者逸則然肩者勞亦果書屋  
茲少停樹陰衆聽坐耽靜固未能時時塵物我

泛舟至影湖樓

飽看

平聲

山態看水態恰有輕艫候岸邊此是玉泉勝常

處靜明兩字註真詮

開門聊趁建瓴流棹出無須更換舟迴望玉峯高下景  
都呈畫向影湖樓

舟到何曾引去風樓窓憑亦與舟同迤南一帶荷猶盛  
時有香颺遞座中

滿天風物報新秋蕩漾光中騁目遊此地宜叅無上乘  
一空萬有影間流

界湖樓六韻

水源要節蓄乃識進盈科用以隄為界行來舟礙坡煙  
樓成接待月牖得延俄蟬樹周遭唱漁船款乃歌花香  
因露重物意向秋多易舫言歸可遊吟亦戒過

題董邦達畫軸二幅

淡靄全收山半脚  
涼風欲動樹梢頭  
展圖怪底晴嵐別  
昨夜精神恰入秋

右倣董源仙館晴嵐

沒骨溪山煙靄蒼  
幾株紅樹護書堂  
卿家思白明重見  
筆意翻稱是倣楊

右倣楊昇翠巖紅樹

新月

西字初生一捻纖高梧踈影掠堂檐人間天上秋管領  
分付中涓索軸簾

陝甘總督吳達善奏報各屬得雨詩以誌慰

去年甘省旱發帑大賑濟

甘省皋蘭等二十八州縣去年被旱蠲賑兼施多方籌畫

今春復命加賑銀穀共散至數百萬民困始甦

今歲農尤要肝宵時廩意昨復

有嘆象西望愁弗置使駭章奏披知幸霑膏惠早田可  
結實晚植益芄穠街頭米價減僻壤民生遂間有被電  
者補種勘次第是誠大吉祥勝於言祥瑞

晴望樓

秋月恰宜晴登樓信暢情碧天雲盡歛綠地稼將成露  
氣盈眸潤風涼拂面生皓曦如有約檐角正懸清

暎清齋

迴廊半浸水水氣入齋涼互暎色空際含清上下光契  
神於縹渺得景即蒼茫物色與人意相將報白藏

半月臺

臺形規半月白玉以為欄即是廣寒界雅宜秋夕看會

當銀魄滿不礙碧虛寬  
太白鏡湖句常思欲和難

題和闐玉山水圖

農談相聚話柴扉  
舉手溪橋送客歸  
高謝儒巾能議論  
操戈却辨是和非

右溪橋送客

石林蘭棧步徐徐  
刻玉為人人玉如  
若論高峯著名號  
了知亦不讓匡廬

右五老山遊



泛月

將弦月宜泛日日就圓輪光是秋無比情於人有因閒  
雲猶點綴閃水亦漣淪朗照銀河畔黃姑待渡津

七夕

織女司組紵牽牛主農功

吳靈斯示象原因民務崇垂名亦寡古宵雅傳大東慙  
祀應在茲寧在今夕逢沈約及王筠無稽語徒工

恭奉

皇太后秋巡啓蹕之作

昨夜微霏雨洗車朝來霽景暢晶如天高氣爽臨秋圓

山峙川流奉

懿輿自有三千驅赴赴那須十二駕魚魚沿途又此屢

豐閱曰慰曰兢並切予

午熱

午熱今朝劇行宮已駐旌階蕪蒸溽潤庭樹息風聲曠

野憩羣役湯山企後程

皇太后啓鑾初頃  
湯山行宮計可緩程一日以適

顧養肅評悉

慈豫欣釋望中情

夜雨

七月初八日

婪熱蒸為雨中宵大霈霧無餘驅去暑有意送來涼布  
帳多人塵柳街前路長即聽雲腳過兩美幸雙償

早行

早行期早到猶在數

上聲 庚中

是月二日立秋秋後仍餘未伏數日也

散去

雲容白昇來日色紅野溪新漲落村路斷橋通馬上披

輕爽一川禾黍風

過白河

白河雖漲不至盛穩度浮橋枕兩埒猶憶辛巳逢秋霖

馬上渡河看撇捩

其年秋雨過多河水盛漲橋不能措因駐馬河干勅扈行厄魯特之善水

者泗馬以渡並命艤舟分載人裝遂得利濟

旅行漸石詎足云稼潦無收心

為聲

去切邇來綏豐幸屢遇今年可繼去年轍適百里半

九十里此時豈敢滿望設昨夜渥雨利晚田曉即快晴

曠日烈吾惟農務慶時若又何妨斯卓午熱

即事示直隸總督方觀承及屬吏

未午行宮駐御綈餘閒仍不廢疇咨載宣大吏詢農況  
都道今年又屢綏有稼自應無別事我兢并願爾如斯  
途經蠲免雖常例

每秋巡幸木蘭詔免所過州縣額賦十分之三歲以為例

亦要俾

民普被之

密雲行宮晚坐

雨後庭柯有好颼繩牀坐就綠陰移爽延誰識一晌趣  
炎畏全殊昨晚思唧唧蛩聲依砌唱溶溶月色向牕披

兩株夜合三開罷故是夏徂秋曉時

九松山

穆家峪北拖橫山乃自其左見梵宇行行從右過山陰  
高下喬松列巖岵地勢使然順成蹊設尋捷徑翻成阻  
一川禾黍綠如油炎以暵之實粟普老農鞠脰笑道旁  
此幸信同我與汝

驟雨

七月初十日

驟雨驅殘暑憑軒涼頓生陣雲纔席布急點遂盆傾駝

馬道病暍菜薺滋茂榮潮河明日渡仍望即時晴

晚晴

西風吹雨脚傍晚晚忽開晴已自蠲炎熾猶欣利旅征潢池鮮蛙鼓院樹有蟬笙入夕秋雲擘銀蟾露體明

攬勝軒作

天門此日又言邗

詩韻雖不收此字應入東韻又是處俗名為南天門也

攬勝軒

牕傍梵宮侵曉忽生雲變黳到山即遇雨冥濛閒情望遠吟無盡旅景衝煙畫莫工小憩榮驄就前路魏文侯

事詎相同

出古北口

闐闐樓嶂迴嶙峋望幸黎元迓蹕巡雖是一年經一度  
憐他每度較前親

北門鎖鑰重

去聲

提封組練旌旗列幾重謾道清時全不

用聽教

平聲

例事耀軍容

鬼工猶恐不能無人力安施峭壁尖設使千秋無此蹟  
至今誰復笑蒙恬



身先

去聲

從來雨不辭鳴鞭迤邐破煙絲予心自有愜懷

霰正是秋田結穗時

過青石梁

塞山過雨曉猶雲隱現諸峯濯黛紋為喜農功益茂實  
何妨旅景自殷勤近藩已有聯翩至一體曾無內外分  
祖訓聰聰仰深意高談底更事云云

聞京師得雨誌懷

閣本今日到得雨稱優渥不惟利晚田颯爽暑如濯塞

垣雨固同獨是蒸炎煬北暖較南甚南涼乃北若是理  
不易窮炙轂難斟酌列藩東北來迎鑒詢大畧率云夏  
月早望霖潤境垆聞亦為之憂萬寓奉一朔適可此應  
止及時彼顛落巡方所廛多孰謂徒行樂

再題常山峪行宮八景

綠樾徑

曉秋叢樾綠猶濃過雨縱橫印鹿蹤徑欲循蹊到深處  
忽然一片白雲封

虛白軒

曰虛曰白曰秋時止止生祥引妙思不改昔時此軒榭  
悽然為憶此

含飴

青雲梯

青青疊樹蔚如雲意寄菁蔥亦自欣不似登龍題鳳輩  
於中覓路望徒勤

楓香坂

散步楓林馥郁然此香非火亦非煙晚華自叶天然靜  
李賀空稱蜀國弦

蔚藻堂

山葩應恐漏離騷那數人間八斗曹却笑綺言猶未戒  
依然對景一揮毫

如是室

天地干支似轂旋今秋丙戌豈殊前屏風

聖藻書唐句却閱流陰六十年

室內屏風有  
御筆唐人七言絕句八

首乃康熙丙戌年所書閱今星甲  
適周荏苒流光瞻仰益增追慕

### 翠風埭

越埭秋風翠浪翻有聲為寂不為喧了知未可畫工寫  
雅合携將靜者論

### 陵霞亭

塞天過雨大羅淨祇剩東南幾片霞著我山亭霞以上  
騁懷遊目正無涯

### 至喀喇河屯行宮作

一夜西風送峭寒曉行秋意拂征鞍前朝炎熱忘何所  
勝境清涼報有端按轡到來留信宿憑軒望去賞巖巒  
先聲真覺娛人意颯颯泠泠樹杪看

灤陽別墅

渡河尋別墅灤水喜非深隔歲步新逕清風在故林花  
香翻蝶影葉密護禽音最好初秋景一年一度吟

虬蓋亭

結宇依松松十尋童童饒得布嘉陰披涼謖聽巖風入

訝是何人調玉琴

小金山

樸斲三楹踞石磯妙高一例是耶非  
灤江設更較揚子也覺居然具體微

林岑擲樹有鼃鼃趁暇幽尋暢遠情  
剛訝虛無逮仙境隔江野店聽雞鳴

夜雨

七月十三日

葦峪過來雨勢小問知山稼尚需膏  
即欣夜霏巖齋聽

正利晚田農惠叨隔戶遙思舞松柏落簷還訝冒波濤  
多人漸石應難免輕重相權慶此遭

至避暑山莊即事得句

雲勢侵晨欲放晴廣仁嶺過朗曦迎山莊早悅遙看目  
衢市先殷衆迓情

祖澤至今歌樂利予心惟永戒驕盈時巡近遠藩王集  
不必言威惠以誠

永佑寺瞻禮



神御紀事

祖功

宗德萬年垂每至欽瞻有所思問已庶幾未隕越勤民  
詎曰致雍熙於今率土猶懷

惠自昔為君重繼

貽堂額紀

恩御園創合將事例述於斯

康熙壬寅春  
皇祖於圓明園之壯

皇考奉

丹臺觀花侍宴以予名奏聞遂蒙  
其年即扈侍山莊

賜居於萬壑松風日承

眷顧育之宮中  
提

命歷夏閏秋為時最久今歲於御園顏堂曰紀恩  
并為記以述承恩所自始付託所海重而誌

子兢業勉副之意茲拜瞻神御迴溯昔  
蹤將於舊所居室亦仿御園題額用申感慕

碧峯寺

寺門常對碧峯開鎮日無僧有鹿來借問為同抑為異  
果然彌勒笑咍咍

叢碧樓

今歲未登樓初登如昨秋四山碧雨洗一瞬景川流風  
過涼猶嫩日臨陰尚稠年來頻有句歷歷閱從頭

味甘書屋

寺後有書屋偶然題味甘山泉堪煮茗犀液正含嵐不  
擬喫茶偈原非計椀貪小停旋命駕西峪待幽探

有真意軒

西峪路必經相過遂成憩輕輿豈復勞肩者未容恕叶  
一以暢予懷一以息彼樊山莊本仙境何處不佳致廓  
然五間屋足受萬物備林風奏清涼巖雲幻陰霽即景  
得奇遭是謂有真意

對畫亭

曰畫畫不若是亭亭鮮同真饒氣與韻豈在綠和紅澗  
落峯頭雨窓含谷口風藝林多作者似此孰能工

空翠書樓

兩間亦可號書樓灌木層巖葉尚稠一晌登臨得奇會  
落來翠影自空流

秀起堂

萬嶂蔥朧中起秀一區廓落似懸居尋常澗擬清無比

俯仰方欣靜有餘  
庭際鶴寧藉車載  
林間鹿不掛牌書  
河源雨過憑窓看  
出齒從新濯翠蕖

振藻樓

秋曉巖林布嘉蔭  
風前埭卉舞芳蕤  
文章大塊蜚真藻  
公幹還嗤費綺思

經畬書屋

借問菑畬何所攻  
五三六九詎皆通  
吾惟切已求真益  
一部言經用不窮

晚晴

終日雨晴恰相間

去聲

晚來雲斂碧虛寬  
草頭露戴含新

潤松下風過

平聲

覺峭寒現出光華月  
幾望照惟澄澈水

微瀾更予喜處乾泥潦  
山市明當迓

鳳鑾

出麗正門恭迎

皇太后

祇覺八朝隔不知十里遙  
秋晨氣真爽山路潦全消  
歡

卷

清溫適親承甘旨調仙莊奉

文母家法自

神堯

金蓮花

種自五臺出蔓延遍塞塿納涼曾有峪

方輿紀要獨石口北金世宗納

涼處產黃花狀若芙蕖

開府亦名川

元世祖昔開府金蓮川亦其地

直以陸為海

真同金布田漫生分別見孰不是心蓮

文伯仁溪山秋霽朱允文題即用其韻

溪山有路樹無名  
谷裏茅菴世外情  
底事臨秋似生感  
潘家賦語案頭橫

中元夕放河鐙

風定閒雲斂秋池  
若鏡平分舟佈銀  
炬貼水燦金英  
夜鹿巖藏侶寒蛩  
岸照鳴鍾峯升寶  
月孰更比光明

午熱

午熱全非前日比  
寬衣林下有涼颼  
雨霑山稼需蒸曬



聞說農家正喜斯

水月庵

梵區本在萬山中達觀

去聲

原如水月同下界每因翹絕

頂廣寒何異麗虛空不生波處心恒定大寂光天相

去聲

總融未可於斯便止步梅檀林有路還通

梅檀林

馥郁天香石逕穿入流忘所得聞詮漫言蒼筤方堪並  
澗葉崖葩一體全

雲潤樓

山谷通靈氣  
英英翳翠峽  
吐時隱巖岫  
浮或入窓寮  
常覺衣衫潤  
渾堪坐起招  
歌卿

當日事不舜  
却於

堯

超然宇

有宇曰超然  
恢恢樹杪懸  
秋清目愈豁  
霞舉意如公  
夕照千峯落  
空山一逕連  
問誰送歸路  
蒼鹿與周旋

登高臺而待月

登高臺而待月於望後為相宜臺更西山巔東山座中  
披乘涼送夕陽颯沓延爽颼須臾斜照落萬樹蒼然暮  
色剛熹微錘峯南側金色拖眉忽鉤忽半壁忽呈全體  
空中飛是時流雲點綴乍隱現未覺謝重所言金屬非  
登高臺而待月賞今夕之遇奇

月夜山遊四首

高臺延月月已上策馬聊為汗漫遊同是廣寒明境裏

豈殊雲海泛虛舟

澗葉巖葩態盡藏  
緩過珠勒靜聞香  
千秋欲問載月客  
此景曾知在此鄉

松濤石瀑空中聽  
蔓壑枝峯鏡裏尋  
識得晦原有明趣  
更於何處覓塵心

夜山真覺靜而佳  
不害端知鹿可偕  
出谷携將林杪月  
蘭舟原待水之涯

泛月

塞湖泛以初輕舫適相於素月上已上清風徐不徐四  
圍山隱樹一片水明渠萬景空澄裏銀蟾祇自如

題錢維城南山瑞靄圖

高士科頭坐皓然冰雪顏面前峯岿足底澗潺湲世  
事曾無繫畫長好是閒東籬不同採亦復見南山

招涼榭

婪暑劇難勝招涼榭可憑林踈延籟入峯峻致陰增體  
爽亦何有農祥還欲徵山田新得雨萬寶藉暄登

對瀑

一年一對瀑對瀑必成吟興自番番異聲仍落落斟宜  
晴亦宜雨非石復非金設使伶倫叶犁然中去聲八音

處暑

金令逾旬入炎官餘氣收庭曦尚婪尾樹籟已交頭消  
息疊為運推遷信不留谷中夕靄落頓覺峭涼浮

題紀

恩堂

紀

恩何處不思

恩新額堂名例御園每至山莊追慕

祖惟茲書屋

賜居孫冊餘載付春音響巖下溪猶水逝翻孤負幸無  
肩歇未慎修思永敢空言

山心精舍

水月菴邊構精舍秋山四面此為心向東一綫開虛白

正映鍾峯返照臨

天籟書屋

在梅檀林

宵暎嵐壑間威紆亦得路微聞梅檀香遂自石橋度書  
屋憩予體閒庭散予步天籟空中飄不識來何處或云  
自林間是即牛頭樹

澹軒

一泓貯天池山雨之所積了知底無泉靈氣蒸為液披  
風亦有瀾印月亦有璧可以泛虛舟可以對文席總不



離澹然是謂適其適

過西嶺遂至創得齋

梅檀林已據崇椒西嶺明知路匪遙事半功因命駕  
秋清夕照此憑寮今朝重得寧非創去歲迴思亦若飄  
箇裏定當有仙在不同道耳笑難招

夕佳樓

屋宇向西開常延夕照來有光翻樹底得蔭在巖隈栗  
里陶情邈錦江杜句該致佳欣偶值小坐試茶杯

題董邦達畫卷

猗猗萬玉淡煙低  
逕轉春泉不作泥  
記是去年巡蹕路  
驀前即便到雲棲

右倣唐寅竹泉煙靄

雲若流泉松若藻  
天開竒想妙難摹  
漫言世上無斯境  
覲面山莊似此夫

右倣陸廣松壑雲濤

山田

數日園中居山田得遠望策馬出石城近欲悉其狀田  
父老之言六月頗旱亢雨隨翠華來高低被酣暢早種  
秀增實晚植苗芄壯所見如所述蔚綠金風颺更兼邇  
來熱暄曝實大當此後暘雨若屢豐又可償然惟增惕  
乾吾心安敢放

荷二首

芙蓉出水塞垣開秋浦偏看霞錦裁十丈誰誠分玉井

靈根真自教漢

平聲來

教漢荷花色鮮瓣大勝於內地

皇祖時移根於此

莊三十六景詩於香  
遠益消曾詠其事

沐雨翻風總絕塵  
愛曦羞月有良因  
遲開傲得秋湖冷  
似為去聲新詩特待人

題金廷標畫清溪漁艇

澄潭張網集漁人  
子美詩情獨得神  
古屋數間楹林下  
定知家在蜀江濱

食蔗居

深谷窮其源既狹  
峯陡止頗如食甘  
蔗至末益取美嚴

居有如是題名乃所以構成四五年亦覺慣經矣山莊  
到六日趁暇方來此然豈害致佳幽曩故爾爾

小許庵

食蔗祇三間小許更減一聞之繫傳言君子退藏密方  
寸能幾何萬有於中出何當去安排斯焉養靜謐

倚翠亭

翼然亭子倚嵯峨翠色連空影動搖徐識天風翻落下  
適來煩熱一時消

偶題

山行數息樹邊身不為

去聲

已勞為衆人設使浪仙獨臨

此驀前寧復肯逡巡

碧靜堂

堂在萬山中所以不常至至必趣非常而總饒靜意長  
空一片碧疊樹千章翠暎帶難形容夫何可思議於無  
思議際如是偶清寄

淨練溪樓

秋山未雨那成溪漫擬樓名孤負題曰待雨來觀淨練  
轉成認影笑頭迷

涵清齋

虛齋園極北戶向碧林岑所喜山太古不期徑自深斜  
陽掛簾額空翠布堂襟歸就來時路飲川鹿可尋

鹿於  
白日

隱山中傍晚  
羣下川飲水

興州攬古言懷

興州於古為遐荒長城築守防秦亡遼金元漸開版章

惜哉宅中未久長縱有墨客怯塞涼掛一漏百名空償  
建置今亦不可詳大清一統撫萬方

皇祖於斯闢山莊山川增色田野穰

垂法示後深意藏文臣扈蹕翰墨香馬遷青雲譬不妨  
雖然所重在覲揚紹庭善繼百世昌

秋熱

秋熱今年實異常情知催熟晚田穰夕陽西下方遊步  
谷口風來故有涼



秀實誠宜鴈日歎又聞雨後種新蕎因之為望滋甘  
去聲

靈不為延涼遊興饒

即景

齋閣倚西山門對東山敞夕照正暎座林光葉底朗西  
嶺拖橫陰自下旋旋上初鋪崖脚細條冪峯腰廣逝水  
莫喻速禹惜誠不爽

塞垣

塞垣此日是卷阿綴景樓臺底藉多鑿土歲深成石壁

疏泉沙淺得溪河  
窓間不礙山禽入  
林下常逢野鹿過  
庾鮑清新還俊逸  
藩籬未覩奈斯何

山雲

山雲忽晦忽開晴  
秋月翻殷望雨情  
菜圃蕎麥需繼潤  
隨時隨地庶民生

塞草

塞草剛看雨後滋  
綠茵如毯布長陂  
嘉陰更藉松為幄  
小坐乘涼恰合詩

西峪

西峪連朝率未來  
午炎揮汗塵興僇  
却欣入谷風吹爽  
便有出峯雲布開  
處暑猶然似當夏  
趁涼何必在登臺  
石城以外山田見  
熟賴秋長仰化裁

秀起堂

待欲言奇轉復奇  
千巖起秀座中披  
雲霞以上崇情寄  
俯仰之間陳迹為  
林下常來諳鹿性  
牕邊閒坐愛山姿  
遣懷聊爾三唐攬  
此妙憐他無一知

靜舍太古山房

山房別一區乃在書堂下彼以迴而秀此則秀而野石  
泉階底淙松濤屋端瀉於何見古意塵念都蠲舍研匣  
又宣傳笑此奚為者

不遮山樓口號

山不遮樓樓不遮誰賓誰主總名加驀然林下逢蒼鹿  
勝我無言亦八义

登四面雲山亭子

盤峯數息亮輿登千里河山座下憑頗覺生衣怯涼籟  
諸天之上玉壺冰

乍陰忽霽益增景近壑遙巖畢獻佳煙火萬家鋪廣甸  
俯臨都為去聲計安懷

亭柱詩屏掛欲週便因歲月驗從頭揆牋不慮天風拂  
喜與山靈作倡酬

太古以來即有此迴情誰復費安排  
椒蹊索與遲遲下  
為愛新涼滿意佳

玉岑精舍

西北峯巒益幽迴三間精舍對嶽寄不常到越藏深趣  
得少坐因啓秘思澗水未流嫌雨短巖風繞過喜涼隨  
昨秋題句分明在今日重看去若馳

貯雲簷

略轉迴廊上屋簷號貯雲胡寧不為雨難副有斯文切  
切心猶慮英英氣已氲翹思霈優渥晚種利耕耘

湧玉亭

雖有石泉不作瀾  
藉惟暴漲澗飛湍  
何當快落秋林雨  
亭上誠然湧玉看

夕雨

傍夕山行罷  
山雲落雨絲  
纔看茵砌濕  
忽聽筑簷垂  
秋熱於焉滌  
晚田藉以滋  
渥霂應益好  
惜未久經時

曉起

牕色曉蒼蒼  
庭柯雀噪忙  
晏眠欽有戒  
問政勵無遑  
幾片雲飄縷  
一輪曦露光  
究因微雨後  
頓覺切晨涼

春好軒

花開花落自春秋  
繞砌繁英灑露稠  
試看蜂忙與蝶亂  
寧知時序有遷流

巢翠亭

喬樹四週圍一亭  
在深處秋來翠尚濃  
佳陰綠雲布習習  
時奏簫泠泠亦滴露  
森森既愜望寂寂還澄慮  
即境擬巢窠可似香山悟

千尺雪



有塵難到雲深處無雪不飛石罅間却訝未曾渡揚子  
當秋每此對寒山

不嫌落瀑雪微絳乍喜遙源雨較優

塞山經雨漲水驟至每挾沙而流色

如絳雪

四卷畫圖一合相便因結習閱從頭

坐來茗椀剛擎到熟火沸湯備早閑憐彼尚茶忙已甚  
肯教消受片時間

### 玉琴軒

循除淙鳴泉比琴琴曰玉而泉豈知然安名人與屬因

思百年上野流沙渚曲絕無人跡尋祇有鷗朋浴亦一  
自在耳羶薌寧所欲

寧靜齋

構齋山水窟山寧水復靜壘罪標秀姿溶溶含清影啓  
沃良已深徘徊亦為永因知人世間自有神仙境何必  
求蓬萊遠涉風濤猛

御製詩三集卷五十九